

habuerit explicemus, ne quis in ea parte longius à veritate aberret. Et quidem si locum hunc Malachiae, quem Apostolus ad Rom. 9. repetit, intelligere velimus de praedestinatione, & reprobatione: ita poterimus Dei odium exponere, vt Deus Esau ob prauiſa eius demerita damnationi adiudicare decreuerit, atque reprobari; vbi duplicem reprobationem Theologi distinguere solent; vnam permissiuam, seu negatiuam, aliam positiuam: per illam Deus reprobos peccare, & in peccato moti permittit, nec impedit; quam praedestinationi contradictoriè, non contrariè opponi dicunt: per hanc Deum existimant mortuum in peccato reprobare, atque damnare: primam ante, secundam post demerita fieri censent; praedestinationem verò ob prauiſa merita iuxta quam expositionem Deus post Esau peccata prauiſa eum reprobasse dicendus esset. At Iacobum vel ante, vel post prauiſa merita dilexisse pro diuersis Theologorum sententijs asserere possemus: Veruntamen non est opus, vt hunc praedestinationis, & reprobationis labyrinthum ingrediamur, quandoquidem locus hic Malachiae aliam expositionem commodè patitur. Tamen enim illam explicationem non rejiciam, illa mihi arridet, quæ id de posteris eorum intelligit, de quæ bonis temporalibus, à quibus D. Paulus allegoricè ad praedestinationem affurgit, vt Christianorum præ Iudæis electionem significet: vnde sensus literalis esse videtur, quod tamen si Deus Iudæos, & Idumæos Chaldæis vastandos tradidisset, ita tamen Iudæos præ cæteris dilexit, vt ex captiuitate Babylonica eos reducerit, & in patriam restituerit, Idumæos autem in captiuitate reliquerit, eorumque terram in solitudinem redactam draconibus habitandam dederit, vt ex Malachia constat. Deinde Iacob verè dilexit, quatenus eum, eiusque posteros in Ecclesiam, & populum suum elegit, eosque præcipuis bonis temporalibus, imò & spiritualibus afficere decreuit, vt satis postea manifestauit, dum Iacobos multiplicauit, ex Aegypto liberauit, manna sustentauit, nubis, & ignis columna rexit, lege, instructione, sacerdotio, reuelationibus fultis;

Ad Rom. 9.  
1. explicatio.

Duplex reprobatio.

a. expofitio.

inque tot eis spolia, tot regna, tot Prophetas concessit, vt de Iudæis cū Psalme dicere possimus, *nimis honoratus sum amicis tui Deus*, adeo vt ipsum Christum, eiusque matrem eis dederit, vnde postea canerent: *Nobis datus nobis natus ex intacta Virgine*, &c. quæ in præclaro D. Thomæ Hymno continetur, quem in honorem sanctissimæ Eucharistiae, ipse Doctor Sanctus non sine miraculo composuit, iuxta id Esaiæ 9. *Parvulus natus est nobis*, &c. Allegoricè verò Deus veros Abrahamæ, & Iacob spirituales filios, nempe Christianos amauit, vt ex ijs constat, quibus Ecclesiam dilectissimam Sponsam exornauit.

Ut autem Lia dicitur à Iacob odio habita Gen. 29. quod præ Rachele eam neglexeret, & Luc. 14. iuremur odio habere, id est minus diligere patrem, & matrem, eosque Christi amori postponere; ita Deus Esau odio habuit, seu minus dilexit, & quasi contempsit, dum ei solitudinem pro hereditate diuisit; quod iam Christus in filios reprobationis Christianos conuertit, Iudæis ob pertinaciam inexplicabilem in incredulitate conclusis, qui iure carnales dicuntur, quod Christi fidem, & iustitiam spernentes de operibus suis gloriantur: ergo horum Esau typos fuit, vt Iacob Christianorum. Alij denique hunc locum sic explicant, *Iacob dilexit*, quia gratiam praedestinationis ei contulit, talem nempe, cui prouidebam eum cooperaturum, in eaque perseveraturum, ac proinde saluandum: Esau verò odio habui, quia dedi ei gratiam, cum qua prouidebam eum non perseveraturum, sed casurum, & damnandum, licet ei, sicut & Iacob, cooperari potuisset, si voluisset, eoque sine gratiam hanc obtulissem; præciebam tamen eum pro mera libertate, qua pollebat, id facturum non esse: quapropter eum odio habui, & reprobaui; sic enim multi Theologi per præscientiam futuræ, vel non futuræ cooperationis, gratiam praedestinationis electorum, à communi, quæ tam electis, quam reprobis conceditur, rectè distingui existimant. Sed quicquid amplectamur id nullatenus Veneti nugis fauet, qui dicebat Iacob immunditiam in Esau diffudisse.

D. Thomas

Gen. 9.  
Luc. 14.

3. explicatio.

### PROBLEMA CLXXIII.

1. **V**R Iacob nec vna, nec duabus contentus, etiam cum quarta muliere coniunctus est? Nonne cum duabus sororibus commixtus est, quia in prima deceptus fuerat, & cum ancillis cedens æmulationi vxorum? Sed nunquid hæc quasi ludicra, & suis absque mysterijs, sacratissimis eloquijs interferuntur? non quippe. An igitur Iacob perfectus, cum vtraque parte miscuit, & vtramque vitam ducere; contemplatiuam videlicet, & actiuam; & ex vtraque reportare fructum; nec tantum ex dominabus, sed etiam ex ancillis; vt fructus contemplationis esset per vxorem scilicet Deum, & per ancillam scilicet creaturam; & fructum colligeret operis, non tantum ex oblati Deo; sed etiam proximo; vt alibi dictum est? An, vt ex quattuor mulieribus produceret familiam completam; in 4. mundi partes diuidendam? Vnaquæque enim earum ex sua parte, seu regione processerat.

Gen. 29. 30.

Verſiculus 9. capit. 30.

### PROBLEMA CLXXIV.

1. **V**OMODO Abraham, qui in generatione Izahac senem, & quasi ad gerendum impotentem sese iudicabat, triginta, & septem annis interpositis post mortem Saræ Cethuram duxit in vxorem, & ex ea sex filios habuit? An forte Abraham

Gen. 18. 25.

Verſiculus 1. capit. 25.

1.

K